

OWEN, LEWIS (1572 - 1629?), dadleuydd gwrth-Babyddol

Enw: Lewis Owen
Dyddiad geni: 1572
Dyddiad marw: 1629?
Rhyw: Gwryw
Galwedigaeth: dadleuydd gwrth-Babyddol
Maes gweithgaredd: Crefydd
Awdur: Emyr Gwynne Jones

Ganwyd 1572 yn sir Feirionnydd. Nid oes sicrwydd ynglŷn â'i deulu, ac y mae'n amheus ai yr un ydoedd â mab hynaf [Gruffydd Owen](#), Talybont, Llanegryn, pedwerydd mab y [barwn Lewis Owen](#) o'r Llwyn, Dolgellau. Ymaelododd yng Ngholeg Eglwys Crist, Rhydychen, 14 Rhagfyr 1590, ond gadawodd y coleg heb raddio ac aeth i deithio'r Cyfandir. Dywedir iddo gael ei dderbyn yn aelod o Gymdeithas Iesu, ond yn ddiweddarach troes yn un o elynion pennaf y gymdeithas honno ac aeth yn ysbïwr yng ngwasanaeth Llywodraeth Loegr. Cyhoeddodd yn 1626 *The Running Register, recording a True Relation of the English Colledges, Seminaries and Cloysters in all Forraine Parts, etc.*, lle y ceir cryn dipyn o hanes y colegau hynny ac o rai o'r Cymry a'u mynychai. Ef hefyd ydoedd awdur *The Unmasking of all Popish Monks, etc.*, 1628, a gyflwynodd i Syr John Lloyd, Aberllefenni a Cheiswyn, a *Speculum Jesuiticum*, 1629. Dywed [W. Llewelyn Williams](#) iddo farw yn 1629.

Awdur

Emyr Gwynne Jones, (1911 - 1972)

Ffynonellau

Oxford Dictionary of National Biography, a'r awdurdodau a enwir yno

W. Llewelyn Williams, '[Welsh Catholics on the Continent](#)', yn *Trafodion Anrhydeddus Gymdeithas y Cymmrodorion*, 1901-2, 90, 121-3

W. Llewelyn Williams, *The making of modern Wales: studies in the Tudor settlement of Wales* (London 1919), 240-1

Josiah Thomas Jones, *Geiriadur Bywgraffyddol o Enwogion Cymru (Aberdâr 1867-70)*, ii, 352

Dolenni Ychwanegol

Wikidata: [Q5974169](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

